

25 ANIVERSARIO S.V. ARSENAL

ORANJESTAD (AAN) S.V. Arsenal, a wordo funda dia 26 januari 1964, bao direccion di e bestuur consistiendo di:

President: Cipriano Geerman, Vice-President: Jan Paesch, Secretario Bernardo A. Croes, 2do. Secretario: Johannes Geerman, Tesorero: Antonio J. Morillo (Q.E.P.D.) 2do. Tesorero: Armando Geerman, Comisariationan, Pedro Geerman, Ronald J. Tromp, Rafael Koolman.

S.V. Arsenal, su statuut a wordo aproba bij Landsbesluit d.d. 3 april 1965 no. 11.

E tereno di futbol ta situa na Coba Lodo y ta pertenece na "Arsenal".

Na aña 1964 S.V. Arsenal, a cumenza den B-Klasse saliend sub-campeon.

Na 1966 nan a bolbe titula sub-campeon.

Na aña 1967 nan a titula campeón invicto di B-Klasse den 12 wega y asina a promove pa A-Klasse.

E siguiente aña a bay malo y e team mester a degrada pa B-Klasse.

Den 1969 a cumirza cu un reserve team, cual a titula campeón di Julianabeker y sub-campeon reserve.

E prome team tambe a titula campeón Julianabeker na 1971.

For di 1974 te cu 1980 S.V. Arsenal, a sigui lucha den B-Klasse enfrentando varios contra tiempo.

Na 1980 S.V. Arsenal, su lucha a ser corona ora nan a titula campeón di B-Klasse y a promove pa A-Klasse, pero e tempo ey a bira division Prome.

Den aña 1975 S.V. Arsenal, a lanta nan prome team di Aspirant, den cual tabata milita e.o. Kees Rasmiijn y Denchi Werleman, actual hungador di Estrella.

E siguiente aña cu ta 1976 tur e hungadornan a pasa pa Junioren.

Surante 1983 S.V. Arsenal, a bolbe conoce un temporada malo y a degrada pa division dos.

Na aña 1984 Arsenal Damas domino Team a ser funda y nan a titula sub-campeon.

Na aña 1985 S.V. Arsenal, a bolbe titula campeón division dos y a promove pa division prome, den cual nan ta actualmente.

Durante e mes aña nan a cumenza cu e teamnan di Infantil A-B y Aspirant Menor.

Den aña 1987 e team di Infantil B a titula campeón den e Pre-Campeonato.

Den aña 1988 tabata un tremendo aña pa S.V. Arsenal, debi cu tur e division-



nan a bay den playoff e.o. Division Prome, Reserve CKlasse, Lifida A, Aspirant Menor y e team di Damas Futbol.

Den futbol Damas e team tabata un fuerte campeón den añanan setenta y actualmente ta posee un fuerte equipo.

S.V. Arsenal, su equipo ta stabil y joven y lo wordo reforza cu hungadornan di caliber y ta promete hopi den aña 1989 den cual aña nan ta celebra na 25 aniversario.

E team di futbol damas a yega di viaha pa Maracaibo, Bonaire y Corsow na unda nan a realiza varios wega.

E team senior a bishita e.o. Bonaire, Venezuela den

e aña cu a termina na unda nan tabata tin intercambio cu Centro Hispano, hunto cu e team Infantil y awor ta preparando pa mas leeuw.

Damas domino a bishita Bonaire, y Venezuela.

Durante su 25 aña di existencia S.V. Arsenal, a conoce e siguiente Presidentenan:

Cipriano Geerman, Jan Paesch, Ronald J. Tromp,

Bernardo A. Croes, Juan de Cruz Ras, Genaro L. Morillo (kende a fungi durante 8 aña)

Francisco F. Solognier actual President y pa su di dos aña.

E directiva actual ta consiti di e siguiente personanan:

President: Francisco F. Solognier, Vice-President, Timoteo Ras, Secretario, Genaro L. Morillo, 2do. Secretario, Felipe Danjo, Tesorero, Everardo M. Ridderstap, 2do. Tesoreero, Pedro E. Morillo, Comisario, Marcelino V. Werleman.

Un di e fundadornan cu a keda mas aña cu S.V. Ar-

senal, ta Antonio J. Morillo (Q.E.P.D.) cu tabata for di 1964 te cu 1974 y a retira pa motibo i su salud.

Actualmente tin dos yiu cu ta formando parti di S.V. Arsenal, y ta Genaro L. Morillo pa 22 aña y Pedro E. Morillo pa 18 aña.

E directiva actual tin diferente plannan pa e aña aki en cooperacion cu nan miembronan.

Pa celebra e aniversario aki lo bay tin ponemento di krans

na graf di fundador Antonio J. Morillo (Q.E.P.D.) sigui pa un sacrificio di mise y despues un recepcion na Club di S.V. Arsenal.

Durante e aña 1988 S.V. Arsenal, su sponsor tabata Amstel y lo continua.

Directiva kier a felicita tur su miembro y miembronan actual y ex-miembronan cu nan celebracion di Plata, cu dios duna forza y drama su bendicion bendicion pa mas aña y exito pa futuro.

LEY DI MOLESTIA ARUBA



Ministro di Obras Publicas y di Salubridad Publico ta trece na conocimiento, cu tin un peticion cu anexos pa haya permiso di acuerdo cu e ley di Molestia pa establecimiento di un deposito di azeta y facilidad di pomp situa den un parcela riba e tereno industrial na Barcadera, cual peticion por ser mira durante trinta (30) dia despues di awe cerca e Oficina Central di Asuntonan Juridico y General na Smith Boulevard 76. Durante e termino aki tur hende tin e derecho pa expresa nan inconveniencia contra e peticion menciona sea oral o por escrito.



LOTTO
pa deporte

ATA E BAKANAL

CU ± 29.000.-

DEN CARNAVAL

